

摘藻堂四庫全書薈要

史部

欽定四庫全書叢要

史部

硃批諭旨卷六十七
八

詳校官編修臣繆晉

欽定四庫全書蒼要卷七千九百六十一

史部

硃批諭旨卷六十七

硃批蔡仕舩奏摺

雍正二年十一月二十五日工科掌印給事中浙
江糧道臣蔡仕舩謹

奏為徹查懸欠之庫項敬陳彌補之末籌仰祈

睿鑒採納事竊臣海濱下士至愚極陋荷蒙我

皇上天恩簡畀浙江糧道九月初八日抵任後即與陞



道徐琳清查交代歷任舊管新收共該存庫銀六十二萬一千四百餘兩今存庫只三十六萬二千二百餘兩此外銀二十五萬八千九百餘兩槩係歷任借墊未補內有借給各幫成造舩船會北買米并預支行月經費共銀二十二萬五千五百四十餘兩有各幫每年應領漕截經費等銀可扣又康熙五十四年各官公捐協助陝省軍需借動道庫銀一萬五千七百兩又康熙六十一年因回空

糧船凍阻動借道庫銀八萬二千五百餘兩募雇民船赴淮迎載每米一石水脚銀一錢四分詳定各幫每船捐銀一錢外有漕州縣捐銀四分計銀二萬五千九百餘兩據州縣以捐解不前會詳院司准其各捐二分共該銀一萬二千九百餘兩已據各屬捐解銀三千一百餘兩尚未解銀九千七百餘兩又准於俸工內流抵二分亦該銀一萬二千九百餘兩經前道提補銀四千九百餘兩尚未

補銀七千九百餘兩今各州縣未解銀兩應仍著
各員捐解但俱已離任新任者又不肯接捐互相
推諉道庫終無歸補仰懇

皇上飭諭撫臣將應捐銀兩題明於各員名下分別著
追使其上緊完公其俸工內未補銀同前項墊解
軍餉未補銀共二萬三千六百餘兩懸欠多年
臣
仰荷

聖恩忝司筦籥不敢緘默因循謹竭一得之愚上瀆

聖聰查州縣徵收錢糧俱有火耗在北省耗銀已經提
貯藩庫故交際陋規悉行裁革今浙省耗銀槩存
州縣而現在院司各員禁止餽遺即臣衙門向有
節禮四千餘兩亦俱裁革是各州縣應酬既已全
減火耗不無所餘除地丁事隸藩司不議外浙省
漕項錢糧共七十三萬一千餘兩若每兩酌提二
分一年即有一萬四千六百餘兩前項未補銀共
二萬三千六百餘兩一年有餘便可完補以漕糧

之耗羨補漕庫之虛懸似為妥當倘臣言可採仰
祈

皇上飭諭撫臣以雍正三年為始遵行提解前項補完
即日停止庶積欠清而庫帑充實矣謹

奏

覽奏知道了最不宜矯廉沽名尤不宜因私悞公以及
揭前官之短遺後任之累只要實心實行凡事務期長
久遵循無礙上下情理皆通方好不可為目下虛聲小

譽而弄巧飾詐此等人朕所不取也勉之

雍正六年十一月十九日浙江觀風整俗使臣蔡

仕舛謹

奏為微臣受

恩綦重下情戀

闕甚深仰祈

聖慈俯允

陛見事竊臣於雍正二年七月內蒙

皇上簡任浙江糧道銜

恩抵浙勉竭駑駘寸長未效嗣因雍正四年雨水過多
米色潮潤部議降調特蒙

聖恩留任是

皇上於臣既加拔擢又

賜矜全臣感激涕零圖報無地茲復欽奉

上諭加臣以僉都御史之銜畀臣以觀風整俗之任

聖恩高厚雖捐糜頂踵總不足以言報稱惟是臣膺茲

重任智識淺陋視事方新未知窾要又臣自雍正
二年八月內

陛辭至今四載有餘犬馬戀

主之心與日俱積伏懇

聖恩俯允

陛見俾臣趨覲

天顏恭請

聖訓庶措施有所遵循永戴

聖恩於無既矣容俟督查錢糧清結之日恭疏具

題外理合先行

奏明伏乞

皇上睿鑒施行謹

奏

不必來京惟當黽勉職任與李衛同心協力整飭地方
可也

雍正七年正月二十五日浙江觀風整俗使

臣蔡

仕舛謹

奏為敬陳浙省民情官方仰祈

睿鑒事竊浙省歷年舊欠錢糧自奉

旨清查以來士民感戴

皇恩爭先完納向日衿監包攬收役侵漁俱已斂跡雍正六年錢糧或按額全完或完至八九分有零雍正三、四、五等年共舊欠銀七十餘萬兩已徵完四十萬餘兩雍正二年以前帶徵錢糧亦俱報有溢

完至承追虧空各案亦已陸續追完銀六萬九千

七百餘兩未完者現在催追今年春景日暖風和

瑞雪時降農民歡欣鼓舞皆云豐年之兆將來輸

將又必競勸也其府州縣等官經督臣李衛不時

舉劾共知惕厲尚有候補通判劉漢儒者外貌可

觀而操守未謹於雍正五年署烏程任內勒借鄉

紳汪亮采銀三百兩經督臣訪實嚴加誡飭著令

吐還又瑞安令何詩頓改前操因生員楊元玟兄

弟爭訟該縣私罰銀五百五十兩現經督臣批飭

嚴審又嘉善令邵煜辦事平常浦江令袁皞聽斷

無才此二員者督臣亦常言其無能又石門令呂

廷鑄時常患病性情粗鹵雍正六年經徵漕白二

為治

之要在察吏一事其餘皆屬末節但能秉公破

糧民有怨聲經臣訪拏作弊收役究革復面詰該

面詳

情酌理為國家甄別人材而懲戒教育之則諸政

令據稱因揀選米色曾被里民唾罵則其無以服

無不

就理矣勉為之

衆可見矣至各武職臣未巡到之地未及周知惟

謂羅

俊輕浮甚當察其果若不與督臣李衛會疏題

上年十月內到金華見副將羅俊舉動輕浮所管

參

之塘兵多不在次入夜復無哨警至十二月內該
將遣兵丁何玉常等來省領餉公然在寓賭博被
拏是皆其不能約束兵丁所致也臣衙門有稽查
文武官員責任見聞既確除一面嚴加誡飭外不
敢俱一面與督臣商酌一面奏聞但須密之狗隱理合據實陳奏其餘文武各員容臣巡歷
細加訪察得實另行奏

聞謹

奏

覽

雍正七年三月二十日浙江觀風整俗使臣蔡仕

卬謹

奏為奏明甘露呈祥事竊臣於台州府地方接到布政使高斌嘉興府知府閻堯熙先後具詳內開據嘉善嘉興二縣知縣轉據該二縣耆民等咸稱正月二十二日卯辰二時天降甘露遍結樹枝葦竹之上萬民共覩形若脂凝味如飴美實係太平上

瑞詳請具

題到臣仰見我

皇上以德動

天感召捷於影響益知

天心以福眷德申錫極其光昭臣已移咨督臣李衛現候

咨會又臣經由紹郡據該知府稟稱有府學生員

黃孝純於正月十七日夜出街看燈路拾胡疇一

遺失瓶袋內珠十七粒金戒指一箇及碎銀當票

等物約值銀四十餘兩該生義不苟取招帖付還
并却酬金不受等語隨據布政司通詳請予嘉獎
前來現在移咨督臣會核外查化行俗美然後人
知廉隅茲生員黃孝純不拾遺金自敦士品皆

皇上德洋恩溥一道同風所致也理合具摺恭

奏伏乞

睿鑒施行謹

奏

汝等大員果肯秉公持正察吏安民實心為國家宣猷敷化此等徵應乃必有者也勉之

同日又

奏為敬陳微臣巡歷所見仰祈

睿鑒事竊臣於本年二月初一日出巡紹興寧波台州

三府於三月初八日回省所過郡縣應行閱視稽

察之處臣俱次第舉行而春景晴明積雪俱化土

誠

處之母稍肆志

膏滋潤麥苗秀發又復雨澤時沾定為豐年之兆

輸將競勸詞訟稀少其素著姦惡之人實已痛悔
遷善不敢為非惟僻遠鄉村尚有無知衿監暗行

武斷及市集津壩一二壟斷之徒利已妨人臣俱

可謂

懲處得當

訪其尤者分別究懲悉皆帖然至官方軍政臣留

心察核文職內有山陰縣試用知縣沙漢鰲外貌

可觀中頗糊塗聽斷無才難勝劇任臣回省即言

是

之督臣正在斟酌調換其餘各縣如上虞令徐志

定臨海令顏肇維才力鈍軟然尚肯黽勉臣俱面

加訓誡勉令振作以圖後效武職營伍惟台州協
經調任抗協副將吳進義訓練最為可觀至寧波
一營斯為最下兵既稀少馬又疲瘦步伍並未操
習該營叅將袁漢及守備王仲俱難辭咎臣隨經
嚴飭去後回省又即言之是督臣查叅矣以上情事
緣係臣巡歷親見理合具摺恭
奏伏乞

皇上睿鑒施行謹

奏

所奏嘉悅覽焉但不可絲毫隱飾

雍正七年五月初二日浙江觀風整俗使署理浙

江巡撫印務臣蔡仕艸謹

奏為恭謝

天恩並陳職守事宜仰祈

睿鑒事竊臣一介庸愚荷蒙

聖恩擢用朝夕兢兢毫無報稱茲因督臣李衛入

覲遵奉

諭旨將浙江巡撫事務

題明交臣署理臣於三月二十二日受事恭疏

題報在案伏見浙省士民感沐

皇恩風化日臻醇厚今春雨水調勻春花二麥浙東浙

西皆獲豐登養蠶之家收成亦好台州各屬多種

早稻立夏後得雨霑足栽蒔爭先至現辦事件惟

海塘城工最關緊要合計已發銀一十萬二千四

百兩有零尚有未完工程須找給銀四萬七千餘
兩臣現在照案行催務期次第告成其通省文武
屬員臣又察有海寧令胡杲性情暴戾行事乖張
有玷職守巡鹽千總韓景琦頗能巡緝然好干外
事蘇松嘉湖之間嘖有怨聲臣經面加訓飭冀其
悛改仍俟督臣李衛回浙共相酌議至杭城諸色
人等雜處此四月內有總督衙門健步蔣廷芳擅
拏平民陳長儒鎖禁班房圖詐又撫標兵丁吳璉

等同提標兵丁胡永泰等拏獲窩賭受賄不報又
回民沙彩臣等私宰耕牛販賣俱經臣訪拏押發
府縣按律重究外其餘地方事宜臣惟與署督臣
覽奏甚為嘉悅能如此居心始終不移自然蒙朕信任
性桂同心協力斟酌辨理以期無負我
勉為之
皇上委用之隆恩而已惟是

聖恩高厚臣才質駑鈍撫心自問中夜徬徨值今京察
黜陟之時臣官四品不敢越例自陳但述職心殷
曠官愧重不能自已因敢冒昧附

奏伏懇

若將似汝無過之人罷斥國家無復可用之人矣

聖恩俯賜罷斥以整官方為此繕摺具

奏伏乞

睿鑒施行謹

奏

覽

同日又

奏為恭謝

天恩事竊本年五月初一日臣進摺家人齎回

硃批奏摺

欽頒摺匣四箇并鑰匙袱墊等物臣郊迎至署恭設香

案望

闕叩頭祇受訖跪讀

硃批蒙我

皇上訓誨諄諄勉誠交至微臣祇有鏤刻心胸益加奮

勵必期無慚衾影庶可對揚

君父至所蒙

天恩頒賞摺匣縹緗緝密鎖鑰精嚴臣嗣後凡有奏事
得以固封

上達用遂敬謹之心永戴

天恩於無既矣理合繕摺奏

謝謹

奏

諸凡陳奏密之又密可也

同日又

奏為請除惡捕以安良民酌定嚴例以儆積玩事竊
本年正月內據秀水縣詳稱嘉興縣革捕劉聖甫
糾賊吳大屠大等行竊該縣王維新家多賊等情
臣當即批行杭嘉湖道王溯維嚴加訊報茲據訊
詳劉聖甫與伊姪革捕劉忠家內共窩賊吳大等
九人竊過王維新殷公輔蔣叔恒沈廷棟朱寡婦
陳御山張姓等七家又有不知姓名數家得贓俱

獻劉聖甫烹分等情臣查劉忠已先於別案被獲
經督臣李衛發府枷責仍永帶小枷充警在案按
例窩主存留竊盜三名者發遣劉聖甫等窩留多
賊糾竊多案發遣未足蔽辜臣愚以為宜將首惡
劉聖甫一犯大書罪由出示曉諭檄行嘉郡文武
押赴通衢杖斃使各縣玩捕共知積惡必誅庶有
革面革心之日理合

懲

警得宜

奏請

聖裁以便遵行再查雍正四年七月間刑部覆江西宜黃縣捕役吳勝等行竊一案計贓擬以杖徒具

題奉

旨查捕役為竊律內雖無加罪之條但捕役行竊仍照平人行竊治罪似屬稍輕吳勝李祚各加枷號兩箇月著永為定例等因欽遵在案今捕役為窩除窩留強盜謀劫分贓法應擬斬無庸議加其有捕役窩留強盜不行又不分贓及窩留竊盜分贓者請俱

照凡人窩盜窩竊例遞加一等立法既嚴庶惡捕
此條俟李衛回任後汝等再加商酌奏聞
不敢輕犯盜源乃可禁止矣伏乞

皇上睿鑒勅部議覆施行謹

奏

覽

雍正七年七月二十五日浙江觀風整俗使署理
浙江巡撫印務臣蔡仕舛等謹

奏為奏

聞事談臣等查得海寧縣一帶塘工歷來潮汐衝激護

沙坍徙不常近因兩岸漲沙漸高潮頭趨北直射

塘脚致有數段險工坦水被衝塘身震裂今年伏

汛旋坍旋修幸獲保固目下正值秋汛潮頭較大

勢屬極險防護尤宜加謹據布政司詳據專管塘

工之杭嘉湖道王斂福移請先給銀四千兩辦料

備禦臣等因塘工關係緊要當即批令照數給發

宜令

多備庶免臨期周章

以備搶修之用將次用完仍即酌給不致遲悞臣

神

海塘等隨即親赴該地方相視潮勢果然洶湧已飭王

靈佑

助但須汝等有公忠之心再加誠懇然後有應

聖恩

以祈默相除勘過修築情形及續用過錢糧容俟

兼之地

方官民兵弁人等胥懷改過遷善之心則無虞

二字

另疏會

恐未

必能感格也至若人力之備禦刻不可緩所需料

物萬

至蛟水陡發土石被衝流淹死民人十餘口沿

靳應用

山田廬有被推壓者幸隨漲隨消不至泛漫茲據

海塘為第一緊要須殫心盡力慎為之朕為此時刻重

念目布政司轉據江山縣詳報到臣臣等即飭該司酌

動備公銀四百兩飛委衢州府星速前往督同該

今情形如何隨時陸續據實奏聞毋避煩瀆

縣將被災民人分別加意賑恤並查明推壓田廬
確數冊報一俟覆到另行馳

奏其餘諸郡田禾俱各茂盛恐廛

聖懷臣謹會同署督臣性桂恭摺奏

聞謹

奏

覽

同日又

奏為恭報早稻收成事竊查浙東諸郡多種早稻台
衢溫處四府尤盛今年雨水調勻俱已陸續收穫
據各府開報前來皆有八九分不等新米每石價
銀不過一兩以內本年錢糧完納已有七八分者
至晚稻現在秀茂即高田亦報霑足至於海口洋
面亦各安靜姦匪屏跡惟據温州平陽協報稱六

月十六日有穀船七隻到港颶風打壞二船淹沒
水手二十餘人失穀三千石又打損二船失穀四
百餘石其餘皆被浸濕查係福建督臣高其倬委
員赴江南採買之穀尚有十二隻未曾入港臣已
飭該營飛查各船是否平穩與閩省委員會商俟
南風稍轉方可開行並將損船濕穀協力照管壞
船人口撥人打撈不得岐視一面咨明福建督臣
去後再查是日颶風詼縣沿海小屋籬牆草蓋多

被刮倒旋即撐搭無損早稻已收晚稻雖被吹偃
緣南風性暖仍然秀茂為此具摺恭

奏伏乞

皇上睿鑒施行謹

奏

知道了查明被災人民實力賑卹之閩省人船尤宜加
意撫安不可委遣一二怠忽屬員苟且從事李衛離浙
為時無幾地方上即有如許事故汝等亦當返躬內省

其心行也將此批諭同省大員皆令知之

同日又

奏為恭謝

天恩并繳

硃批奏摺事竊臣日前兩進

奏摺荷蒙我

皇上天恩隨事教訓加以

溫綸策勵感激之私淪肌浹髓茲於七月十二日接准

吏部咨開奉

旨李衛各任印務暫著性桂蔡仕舛等照前署理欽此
臣疊受我

皇上委任隆恩惟有勉竭駑駘於所奉

硃批諭旨終身服膺以圖報效於萬一伏查臣前

奏之上虞縣試用知縣徐志定才力不勝劇任應行
調簡其縣缺已

題委試用人員晉德慧接署又海寧縣胡杲署山陰

縣沙漢鰲二員一暴戾一鈍軟前日督臣李衛進京時原公訂回任調換今督臣云因其徵糧尚好已

奏緩調以觀後效等語臣惟當時時督察冀其改愆倘再有劣蹟即不能姑容也浙西捕役窩賊縱竊幾成錮弊臣請加等治罪蒙我

皇上硃批俟李衛回浙再加商酌奏聞欽此遵與李衛商酌意見相合臣現在另摺恭

另有批諭在原摺內
奏所有前奉

硃批原摺各件理合呈繳再督臣李衛有幕客魯錦係
不知此人即係李衛來京帶來引見之人否
紹興人住京日久督臣云於初到浙任時

奏明帶來現借與臣辦事人甚謹樸從無家信來往
仍俟督臣回任送還合併附

奏伏乞

睿鑒謹

奏

覽

同日又

奏為請嚴捕役窩盜之禁以靖盜源事該臣看得安良莫要於弭盜而弭盜莫先於除窩平民為窩尚有捕役訪緝隣甲首報至於捕役為窩則根深蒂固隣甲不敢稽察同役復為護庇凡地方之時有盜賊竊發而莫能緝獲者皆由於蠹捕之包縱其情罪實比凡人為窩更甚臣請嗣後如有捕役存

留強盜在家坐地分贓者雖不同謀不問人贓多寡將本犯擬斬監候若不曾留歇在家但係知情婪收月規者不問人贓多寡將本犯擬絞監候雖遇

恩赦俱不准減免其知情存留竊賊在家分贓者雖不同謀一名杖一百流三千里二名充發伊蘭哈喇地方為奴至若三名以上及其中有得贓滿貫與所窩之賊有應問死罪者俱擬絞監候其不曾留

歇在家但係知情婪得月規者一名杖一百徒三年二名杖一百流三千里三名杖一百發邊衛充軍四名發極邊衛煙瘴地方充軍五名以上充發伊蘭哈喇地方為奴內有得贓滿貫及餽送之賊有至死罪者亦擬絞監候再惡捕有探定事主身自造謀行劫者不分行與不行亦照常人為首之例擬斬立決無庸更定外若不曾造意但與各賊同謀行劫應照傷人夥賊之例疏內聲明即行正

法不准減等其有造意為竊者雖贓未滿貫枷號

兩箇月責四十板充發伊蘭哈喇為奴若計贓至

一百二十兩以上及係先曾犯過坐分強竊盜贓

或婪收月規一次者俱擬絞立決共謀行竊者不

問得贓多寡枷號一箇月責四十板發極邊衛煙

瘴地方充軍其曾先犯坐分強竊盜贓或婪收月

規一次者枷號兩箇月充發伊蘭哈喇為奴俱於

論固有理但捕役非與盜合即與盜仇假若盜賊懷恨文到之日出示曉諭至三月之外再有干犯事發

案案

誣攀則捕役不勝其荼毒矣此處再同李衛詳加

斟酌

俱照此分別治罪庶惡捕稍知儆惕不敢怙終而

盜賊失所憑依自當斂避矣再捕役緝拏盜賊到

案例應驗明並無私拷傷痕是正實盜賊尚不容

其拷打乃惡捕多叅匪黨或為幫役或為水手每

將良懦誣竊私拷得財則獻之惡捕甚有私拷斃

命者則商令夥黨一人承罪其正身惡捕反得脫

然事外應請嗣後如有捕役夥黨私拷致死人命

捕役即供不知情亦以為從論俾其不敢濫收匪

類暗行縱使而私拷弊端亦可以杜絕矣為此具摺伏乞

皇上睿鑒敕部議覆施行謹

奏

向聞捕役往往私養一二積匪作眼有以賊捕賊之說今若照議嚴行禁治則捕役將束手無策未必復能獲賊恐皆遠避畏途頂充無人也

雍正七年閏七月二十三日浙江觀風整俗使署

理浙江巡撫印務臣蔡仕舫謹

奏為三陳海塘情形事該臣看得海寧塘工劇險秋汛潮勢尤衝經臣將勘過情形及兩次發銀備禦情由先後會同署督臣性桂

題報在案今值閏七月正潮水大長之候潮頭東來為漲沙所激由南迴漾復為一潮兩潮盤激高至二丈有餘合攻塘身潑出塘面自初一至初五日為初訊日期坍塌疊見因柴土預備足用文武員

弁隨坍隨修得保無虞又自十三日至十八日為

望汛潮勢必更高大衝決實為堪虞臣與署督臣

性桂商定分班往看臣隨於十四日親赴塘工稽

督十五日早晨係東南風及潮頭將至轉西北風

東來潮頭吹壓中江而流不近塘身惟南來潮頭

於護椿外撲散旋即向外而去十六七八等日俱

係如是臣連日遍歷東西兩塘目睹安瀾情形環

塘里民莫不以手加額頂戴

聖主福庇今十九日望汛已過潮當漸平臣因科塲期
邇回署辦理入闈事宜其八月汛期有署督臣性
桂稽督且節過白露潮汛勢斂天氣向寒南風日
少不慮其鼓浪滾塘即有續坍不至大害今年秋
汛自可無虞但海中漲沙漸高塘根護沙盡洗實
有日險一日之勢防護不可稍疎而東塘之白墻
門念里亭一帶為東南潮頭相遇盤激處所震撼
尤甚現在惟有多備柴草鑲高培厚晝夜巡防遇

塌搶修將來秋汛已過尚須從長計議興工造築
期於一律堅固庶免來秋衝決之虞俟至期確估
定議具

奏合將現在保固情形先行奏

聞謹

奏

覽奏朕心不過暫時稍慰時復厯念不置海塘安危實
非人力所能勝然不敢明露此意於汝等何也極盡人

事尚恐不能保固倘汝等并屬員謂朕必不加罪遂爾膜外視之其險更可意料耶今不得已而有此諭蓋欲汝等體知

天道感應之理耳為大臣者克以忠誠上格屬員各有司以職任勤慎上格軍民士庶以風俗醇良上格果能如此上行下效敬信相孚實有以感動

神明則未有不轉危為安之理李衛在京陛見朕亦經痛加訓誨矣汝等可諄諄開導百姓萬勿妄生怨憾之心

在工人役切戒以穢污不潔致有褻瀆興工歇工皆諭
令望海叩禮其監工各員務飭其必誠必敬恪謹從事
上下齊心協力而為之豈特海塘可保無虞朕意必有
望外之嘉應也

雍正七年八月初六日浙江觀風整俗使署理浙
江巡撫印務臣蔡仕艸謹

奏為恭報拏獲江省積盜事竊有江南青浦縣巨盜
張興即金子良積年糾夥在於江省蘇松河內行

刦因嘉湖毗連時亦暗入為害著有蠻王綽號又

號黃魚大王本年六月內准兩江督臣范時繹移

咨通緝臣即分檄嚴飭文武員弁協緝務獲茲據

烏程令薛景珏詳稱先獲該犯外母供出盜夥沈

五張大金二三名獲禁湖郡供出張興同夥葉七

邱七等現在平湖縣乍浦地方該令即專差移會

署平湖縣撥役同嘉協外委千把總掩捕全獲現

禁嘉郡起有烏鎗夾刀挫刀等兇器在案臣隨飛

飭嘉湖二府訊取各犯行劫次數確供續據該府等取供具詳前來臣查各盜所供尚未盡一必俟被劫各地方官覆查明確方成信案應將此十六犯俱照例留浙究審其江省有案州縣只可委員關供定案庶免解審中途逃脫之虞臣已咨明江省督撫二臣並行臬司究緝未獲夥黨分案追贓招解去後再查上年江省拏獲巨盜徐盛先亦稱黃魚大王是否與張興綽號相同抑係徐盛先冒

認其名現飭併訊張興確供附招聲明事關拏獲
積年大盜除恭疏

題報外合先繕摺謹

奏

覽奏捕獲積盜但不止於此數已也仍當不時留心訪
察嚴督緝拏斯乃保安良民之要務一日不可稍忽者
同日又

奏為奏明寧塘保固事本年八月初四日接江蘇布

政使臣高斌寄字內稱伊具

奏浙省年成豐收及海寧塘工情形蒙

皇上硃批好再傳諭與蔡仕舛等令着實敬慎預為防
備虔恭祈禱海神自有感效等因到臣欽此竊惟天
人感召之理屢奉

特旨頒示而我

皇上敬

天勤民念念出於至誠故

天眷神佑隨處皆有徵應今海寧塘工臣仰體

聖心敬慎預防虔恭祈禱當閏七月望汎一年潮頭最盛之時在塘各官莫不以現係東南風為慮及臣於十五日自尖山潮神廟祭禱回塘潮頭正起忽轉西北風吹向中流靈應昭然衆目咸睹迨臣自十九日回省半月以來通塘安穩此月初四日署督臣性桂自塘回省亦云潮勢甚平皆向中流等語公誠之念不真切耳如果以為國為民之心虔感今年秋汎定可保固此皆

但恐

聖不以一己禍福之私祈禱可保必應以嘉徵也德覃敷海神感效之明驗也至於秋汛過後應行勘

估修築以保來年臣當與司道各官悉心敬慎辦理以祈上慰

聖懷為此謹

奏

覽奏深慰朕之憂懷

雍正七年九月二十四日浙江觀風整俗使署理
浙江巡撫印務臣蔡仕鼎謹

奏為恭繳

硃批奏摺事竊臣前奏早稻豐收并附奏閩省穀船在
溫州洋面失風一摺欽奉

硃批諭旨教誨臣即密告同城大員共省心行交勉公
忠並將失風閩船嚴飭溫州道府留心安撫去訖
查浙省早稻豐收業經臣

奏報在案目今晚稻現屆收成寒豆蕎麥亦俱茂盛
深慰朕懷寶係大有之年米價大減賤者不過八錢五分各

案補倉穀石現飭陸續收買新舊錢糧小民踴躍
輸將海鹽秀水二縣本年已報全完其完至八九
分者甚多又臣恭謝

天恩摺內附奏督臣李衛以幕客魯錦借臣幕辦事欽
奉

硃批臣遵查得督臣李衛帶至京師引

見者係杭州舉人潘兆新現在與督臣李衛同赴徐州
如此甚好朕觀潘兆新才具甚屬平常
此魯錦乃紹興布衣並非其人也所有奉到

硃批理合恭繳又奏據督臣李衛訪聞江浙閩廣有匪類結黨蒙我

皇上硃批示以有備無患之良謨臣等敬謹祇遵時刻

常有

備則可以無患矣

訪察現在浙屬地方甚是寧帖又奏據督臣李衛咨稱東洋辨銅倭人仍循舊例蒙

皇上硃批臣等即錄送督臣李衛知照外查督臣原咨係據商人俞孝行稱係第二番洋商俞吉枚與彼國通事約定其中詳細委曲之處俟俞吉枚回棹

更可一一得其確耗等語臣訪查俞吉枚於八月
內回棹即喚到細詢據稱銅商東洋買賣舊例貨
物十分之中得銅四分今年二月內至島正值倭
人議減給銅一分六釐吉枚隨向通事宣揚

皇上聖德神威倭人咸知懼悔仍復四分給銅並議嗣

後每船多帶貨物二千兩伊願加給珠銅一百二

十箱極好之事從此銅筋充足商人獲利等語查與俞孝行

前稟督臣李衛之語更為確鑿合再密

奏以上防察匪類并東洋辦銅會奏二摺所奉

硃批係署督臣性桂祇領應聽性桂恭繳合併

奏明謹

奏

覽

雍正七年十二月十二日浙江觀風整俗使臣蔡

仕舩謹

奏為敬陳微臣巡歷所見仰祈

睿鑒事竊臣以菲材叨蒙

皇恩擢授要職巡訪所至無刻不以吏治民生為兢兢
今年於三月內署理巡撫事務不能分身出巡至
十月初二日督臣李衛回任臣將署任事宜交明
隨於十一月初四日巡歷溫處二郡并渡海赴玉
環山由台州而回一路地方寧謐民情和樂現在
米價每石不過八錢內外各州縣新舊錢糧按順
莊新冊行滾單法納戶稱便現今尚在歲內報完

嘉悅

曉馬

者已二十縣即糧多如嘉興府屬七縣亦改昔年
逋欠之風敷急公全完之誼倉穀並皆陸續歸補
而玉環山周圍五百里中開平疇泉甘土沃昔棄
荒地實為可惜今居民湊集日以蕃庶村落街市
漸成規模城基已築但少經費完竣需時衙署倉
庫俱備惟營房牆薄瓦稀不耐經久查係同知張
坦熊經手每間只用工料銀三兩二錢未免過於
節省以致草率當經面飭添修督臣李衛亦已飭

好

令加估修固矣臣每到郡縣赴明倫堂宣講

上諭申以告誡紳衿兵民環而聽者俱各歡欣率教間

此一二輩即係下愚不移之流未甚革心猶屬包荒之

有一二衿監胥役未甚革心者密訪飭拏分別究

語既未革心必有未革面之形迹發露於外若訪有實

責外其餘良善益知奮勵至於保甲民壯俱已就

據當嚴懲之母稍寬縱以貽將來惡習之萌芽勉力為

緒營伍弁兵無復怠弛即如樂清大荆二營素稱

之勿懈

不及今亦煥然可觀此皆

皇恩淪浹

此非朕訓誨涵濡之所致不過用得其人類一實心任

聖訓周詳涵濡鼓舞之所致臣惟有勤宣

事秉公持正之督臣李衛耳
德化申飭紀綱以稍盡職守於萬一耳所有巡歷情形

理合繕摺奏

聞伏乞

皇上睿鑒謹

奏

覽

雍正八年二月初八日浙江觀風整俗使臣蔡任

卹謹

奏為奏叅罔利剝民之豪貢請

旨搜追以懲貪惡以快輿情事竊查浙省湖州府長興
縣貢生趙璟貪橫不法臣經訪飭該府拏訊一面
具摺奏

聞旋據受害邑民紛紛出控或告其霸據煤井或告其
剝估田屋或告其吞占山地或告其私抽釐稅贓
欸多端必須嚴審始得吐實隨將趙璟捐貢事由
照例咨部斥革檄府究審茲據該府詳稱該犯豪

橫一方蹟同光棍一奉訪拏羣情踴躍咸欲得而甘心雖所犯罪惡尚多匿情未吐而營私固利為惡致富是實請將該犯所有壟斷貨財罰追以充修濬湖郡一帶漕港之用等情臣查趙璟一犯肆橫於長邑地方平日所有財產皆係占據煤利凌剝民膏之物現在告案鱗集自應逐款究擬追贓給還原主非僅擬罰所可蔽辜除批駁該府覆加確審按擬詳報外相應請

旨先將該犯產業資財盡數搜追入官內有應追出給
主者容俟定擬斷給其餘一切歸公以充湖郡修
濬淩港湖道之項倘有餘剩仍充別項使伊婪得
本地之財物盡追為本地之公用不得私自享用
庶足儆貪惡而快人心於地方公事亦有裨益矣
為此繕摺具

奏恭候

諭旨批示遵行謹

奏

汝所論雖是但若罪不至於籍沒未有將其田產盡數
搜追入官之理如云罰追資財留充本地方公用更不
應加入官二字此事朕如何批諭當會同督臣李衛詳
細商酌務令情法允當為是

雍正八年四月初六日浙江觀風整俗使臣蔡仕
廵謹

奏為據實陳奏仰祈

睿鑒事竊臣於本年二月初旬出巡嘉湖二郡一帶地

方安恬民情和豫米穀充裕價值甚平雖春雨稍

多經督臣李衛會臣等設壇祈禱旋即晴霽不至

有妨春花各屬錢糧已有完至三四分四五分不

等者至於二郡為江浙要衝營伍最關緊要湖州

一協操演生疎尚不如太湖一小營之諳熟而該

副將范宗堯性情驕縱過自矜詡臣詢督臣何以

包容之故而督臣李衛云緣該將現在勉強操守

此地尚可拘住伊之悍性若止以狂妄叅究恐降
調他省為害匪細故未輕舉等語再者臣於三月
初旬回署有嘉興通判今陞湖廣襄陽府同知廖
坤者與臣同鄉因欲赴任來署稟辭對臣言伊近
蒙

皇上賜以摺匣

諭其查訪各省地方官吏并出其舉劾之摺稿示臣內
中首薦監生一名及候補同知潘銓布政司經歷

張彥珩二員而末後又開劾杭嘉湖道王斂福鹽
運分司徐有緯二員開薦知府同知副將遊擊等
六員稱此摺於三月初四日恭進又稱稿內所劾
二員騰清時已經刪去等語伏思為臣子者叨蒙
聖恩准令摺奏自當慎重謹密詎可矜誇漏洩以竊威
福今廖坤將密奏摺稿示臣臣不敢以同鄉稍為
徇隱理合據實密

奏仰祈

聖鑒謹

奏

覽奏嘉獎之懷不勝批諭內外大小臣工果皆人人如此以公忠不欺不隱之心協贊於朕朕復何憂何慮耶但三人行必有我師焉觀此無知小人之行為更當慎密自持常能以責人之心省己則為益良多矣

同日又

奏為敬籌秋審之法以防疎縱事竊臣查各府州縣

離省程途自數百里至千餘里不等每當秋審屆期解犯絡繹兵役護送奔走不遑雖鎖鑰原飭加謹而行走不無稍鬆有等幽囚日久每於解省在途思洩其桀驁之氣凌轢路人掠搶食物歷加嚴禁終難馴帖又自念罪無可逭一值曠野孤村兵役偶懈便思乘間走險往往或至兔脫臣愚竊謂斬絞重犯有已經秋審三次者其情罪已毫無疑義即使年年解審而到案別無可吐之供在途徒

有意外之虞請嗣後有秋審三次尚擬監候之犯
再屆秋審只令該府縣叙由詳報臬司轉送督撫
照依京師秋審之例核招具

題免其解審蓋案情久定無慮叙詳之失實招由具
在即可按冊以叅稽既可杜重犯之免脫鴟張而
於矜恤重典亦無所妨矣為此繕摺冒昧陳

奏伏乞

皇上睿鑒勅部議覆施行謹

奏

所奏似乎近理候發廷臣再加詳議奏覆有旨

硃批諭旨卷六十七

欽定四庫全書薈要卷七千九百六十二

史部

硃批諭旨卷六十八

硃批樓儼奏摺

雍正七年四月二十六日署理廣東按察使臣樓儼謹

奏為遵

旨明白回奏事本年四月初二日署撫臣傅泰傳臣同署藩司臣王士俊入署恭宣

皇上硃批左翼副都統臣吳如譯奏摺此所奏四摺著孔毓珣傳泰王士俊樓儼具摺明白回奏覽吳如譯奏詞儘有不通識見卑鄙處但粵省吏治民風至於如此在傳泰初到姑置不論外如孔毓珣王士俊樓儼三人受朕格外成全委任捫心自問當如是報朕乎能不汗顏乎乃王士俊反有開礦之請是何意見耶嗣後若不實心整飭貽悞地方不但法難寬恕亦何面目立於鄂爾泰田文鏡李衛等數人之列也朕

實為汝等愧之為粵省憂之奈何欽此 臣跪讀之下
悚惶無地伏念臣一介庸愚寸長未效乃於數年
之內蒙我

皇上不次擢用由理徠同知歷陞府道又奉

特旨署理廣東臬篆寬免各案處分仰邀

皇上格外成全委任 臣感

恩甚切圖報彌殷自署臬篆以來無日不以吏治民生

為念茲捧讀

硃批恍如入覲

天顏面聆

聖訓凡

皇上之所以責臣而勵臣者益加矢公而矢慎謹遵諭旨將如譯所奏各款逐一另摺據實明白回

奏外為此謹

奏

覽奏知道了朕已有旨實授汝為按察使矣竭力秉公

黽勉盡職勿怠嗣後奏摺差人齎交大學士蔣廷錫轉
奏

雍正七年閏七月初四日廣東按察使臣樓儼謹
奏為恭謝

天恩事雍正七年七月二十三日奉署撫臣傅泰交送
皇上硃批臣摺隨即跪領進署恭設香案敬誦
硃批仰蒙

訓諭感激涕零敢不秉公勉力圖報萬一伏思臣本書

局備員家素寒微甘心淡薄賦性硜執亦少交際
若貪婪敗檢之事臣不敢為第恐才識疎庸職任
刑名動關出入夙夜悚惕惟有詳慎以仰副

聖天子矜恤民命至意縱有嫌怨臣不敢避也至凡關
地方緊要事宜容臣次第奏請

膺裁外謹此繕摺差家人齎交大學士臣蔣廷錫轉
奏謝

恩所有奉到

硃批理合恭繳謹

奏

每見出於寒微者識多鄙陋未必皆甘淡薄賦性硜執
當以義理融化氣質之偏至於疎庸二字尤非大吏所
宜有似此浮泛文詞向後不必果如所言豈夙夜悚惕
遂能仰副朕意耶惟有不避嫌怨一語乃真實得力處
從此加勉自勵可也

同日又

奏為備陳地方情形仰祈

睿鑒事竊查廣東一省北接湖廣廣西南通西洋南洋
幅幘遼濶山海交錯山皆不毛之土惟產金銀銅
錫久已嚴行封禁而民間偷窆礦砂無日無之雖
文武官弁不時查拏驅逐無如旋散旋聚內海賴
有魚鹽之利稍為窮民活計而興販私鹽者又絡
繹不絕此礦徒鹽梟二者皆以無術謀生甘蹈法
網而不顧也至於偷兒掏摸強徒劫掠盜賊之多

亦莫甚於廣東臣任事以來凜遵

聖諭嚴拏富家積盜勤為宣布

皇恩剴切勸諭雖盜賊較往年畧少然如南海縣之三
江江浦番禺縣之沙灣茭塘等處素為盜藪彼蓋
童而習之以竊盜為生即身不為盜亦無非盜之
族黨雖稍有衣食亦相率為匪更有富家多係紳
衿富戶盜匿其家則不可捕賊入其室則莫可搜
盜賊到官為之打點衙門皆是富家長技而盜則

死不供窩是以敗露者少大都民情絕不知有廉

恥好利輕生為賊為窩皆恬然不以為怪敢求

朕久有此意因不得人故未添設如任非其人豈徒無

皇上添設觀風整俗使一員巡歷各處宣布

益更多一番紛擾也

聖諭提醒良心使之有恥且格庶幾民淳俗易一道同

風之治可見於邊海窮鄉矣臣為地方起見理合

奏請

睿裁謹

奏

此奏是閱所議論處深中地方肯綮

同日又

奏為職官窩盜殃民據實

奏明事竊臣奉

命署理廣東臬司印務任事之始見省城附近劫竊頻
聞因訪有積賊黃富文嚴拏到案究其窩家據供
族兄黃凱文即黃元捷原任高州府信宜縣教諭
因候補在家現住大新街尾小的常在其家往來

住宿賊亦交藏其家當委廳員往搜賊物起出軟
甲藤牌器械鎗礮等件凡鎗礮俱裝火藥併金銀
首飾紬緞服物甚多當票二紙又於地窖下起出
黃銅板及違式各器物俱逐一造冊在案又據其
第四子知禮第十四子無忌赴司自行投首乞求
免罪內稱伊父窩賊是實隨查其第二子係武生
學名高華遠頗有膂力據知禮無忌咸供家中諸
事要問二哥當將黃元捷高華遠詳請叅革究擬

奉署撫臣傅泰批令確審窩賊分贓實情而各犯

因未經署撫咨叅且一時審訊之際未據有賊犯

認械失主認贓稍變前供臣又復詳解署撫叅革

嚴究署撫旋發諭單駁飭內稱據黃凱文供富文

是其族中兄弟有時來省在其家住至窩留竊劫

收藏贓物並無此事又以富文供出夥黨馮舅阿

車等五名皆未弋獲對質是否窩賊尚無確實憑

據等語署撫一味慎重不肯遽爾叅革但臣統查

起出各械各物總非士民之家所宜有即使械無賊認賊無主認亦屬可疑而其子知禮無忌聞拏自首供出伊父窩賊窩賊希冀免罪此即為窩之確實憑據從此叅革嚴究直窮到底自必和盤托出若謂罪疑惟輕姑從寬典則各犯亦必盡翻前供將就完結誠恐自此以後凡有積窩積匪皆恃無人對質得為漏網之計窩家斷不能除賊盜斷不能息實為地方隱憂再查黃凱文素有富名又

素有惡名失主不敢出認地隣坊保不敢過問竊
思私藏烏鎗一桿即干處分今藏如許礮械若非
臣為搜查此時尚在藏匿何可置之不究且其子
二十四人盡皆游手游食又有婢妾數十人醜聲
外聞現奉

定例盜賊必究其何人出械窩家妻女有無與賊通
姦今黃凱文家現有礮械多件現有婢妾多人又
據伊子自行出首其中曖昧不法情形難逃

聖明洞察臣為弭盜安民起見任其巨富止知執法即使因此得罪亦無所顧恤為此繕摺奏

聞伏祈

皇上睿鑒謹

奏

粵東素有窩盜惡習觀汝主見甚屬果決此案如有真知灼見處與傳泰力爭可也倘仍掣肘不允汝詳不妨將此摺所奉批諭密與觀之抑或口露朕意示之亦可

同日又

奏為奏明潮屬水利仰祈

睿鑒事竊臣抵潮之日查閱水利情形府城東門外曰

韓江古鱷溪也其江上流自惠州府來者有興寧

通海河合長樂十六溪之水其自江西贛州來者

有程江梅溪之水其自福建汀州府來者有大河

之水自漳州府來者有清遠河之水其自程鄉來

者有小河之水綿延七百里皆注韓江至廣濟橋

分流入海滌洄橋下二十三墩之間水勢稍紆而橋下又有鳳凰一洲上建石臺以為中流砥柱始不為患自屢遭大水橋墩衝壞臺亦傾圮每遇水發之時奔騰浩瀚以致堤圍潰決田廬皆淹連歲歉收臣因急圖脩復苦無工費適在城有開元古寺歷來士民施田萬有餘畝久為不肖寺僧私典及官吏衿監土豪強占殆盡寺僧普光來請清釐其租穀除完糧香燈及僧人飯食外願充修復墩

臺公用臣因按其有冊可查有佃可問者委員清

釐不下二千餘畝其外有別寺之田亦被侵占情

願照例充公者悉如其請一切租穀羨餘委官收

支即選本城耆老衿監辦料監工自雍正六年七

月興工至七年二月告竣橋墩已復據該府縣報

稱今年水亦甚大勢少滌洄由橋以至海口堤岸

田廬皆保無恙田稻加倍豐收等語惟臺工正在

應興而臣又蒙

上

如此存心居官自蒙

恩署理臬印未能料理已囑惠潮道劉運鮒乘此早穀

天之鑒察也嘉悅覽之

登場可以照例興工此外尚有急水塘之長堤鯉

魚溝之建閘梅溪海口之刷沙亦宜次第料理又

如廣州府有三江之潦北發源於南雄東發源於

惠州水勢猶緩而西則發源於廣西合雲貴交趾

以及百蠻溪洞灘江諸水年年泛溢為患不淺堤

圍基

一事朕曾面與孔毓珣楊文乾詳細論過尚非急

岸圍基更為緊要臣受

務也

恩最深圖報倍切事關地方水利不得不據實

奏明併繪橋圖恭呈

御覽伏祈

睿鑒謹

奏

覽

雍正八年三月二十七日江西按察使臣樓儼謹
奏為運穀原借稅羨籲請

天恩分年補還事竊惟潮州府自雍正四五兩年被水

歉收米價騰貴臣於雍正五年七月赴惠潮道任
誠恐來年仍復米貴公同司道會詳請撥廣西穀
五萬石海運回潮平糶以濟民食但運穀水腳之
費無出又經司道會詳請借稅羨銀四千兩俟穀
石平糶秋收買補之時倘有羨餘亦可還項即有
不敷潮屬公捐補還詎料穀船次第出海而前藩
司官達即改令撥貯潮屬各縣隨經議詳造冊咨
部是穀石不能平糶水腳無項可抵而各縣耗羨

有限不能盡捐以致懸項未補督臣孔毓珣署巡撫任內將臣

題叅部議革職蒙

恩寬宥所借稅羨銀兩勒限清追臣原經手借領自應

照數還項但臣家素貧無力完補僅可節省養廉陸續交庫已於雍正七年廣東按察使任內共完過銀一千一百兩尚欠銀二千九百兩伏懇

皇上天恩容臣帶於江西新任分作三年清補則庫項

必不敢久懸而臣力亦得稍紓矣理合據實具

奏伏乞

皇上睿鑒謹

奏

照所請寬限五年補清庫項該部知道

同日又

奏為酌寬盤倉限期以免交代遲悞事竊臣查州縣

官交代倉穀例限兩箇月盤完遲延則干叅處隨

又接扣限期再遲則有易結不結之處分部議革
職定例甚嚴今幸倉穀五萬石以上奉

旨多展限一箇月蓋念倉穀必須盤量動關時日
皇上聖明無微不燭誠保全臣工格外之

洪仁惟是五萬石以上方得展限若四萬九千石則亦
不准展限矣往往有舊任正在交盤而新任又催
接盤奔走往來未免顧此失彼安能皆於兩箇月
內交代清楚藩撫照例嚴叅竟有可用之才而一

旦呈誤殊為可惜臣請將倉穀五萬石以上者照
例多展限一月如二萬五千石以上者亦許多展
限十五日或一人而有兩縣交代者則許多展限
一箇月庶立法至公而交代免干溺職之咎矣如
果臣言可採伏祈

睿鑒敕部核議施行謹

奏

倉糧交代寬限之請甚是候發該部議行

雍正八年五月十八日江西按察使臣樓儼謹
奏為據實陳情仰懇

皇恩事竊臣於本年三月二十六日蒙

恩補授江西按察使四月初九日恭請

聖訓荷蒙

洪慈以臣母趙氏今年八十二歲住居松江

准臣從江南水路省親迎養且

賜臣母大緞四聯貂皮六張此誠

皇上錫類仁恩至深至厚也臣歡欣踴躍

榮寵非常滿擬齋捧回家臣母遠迎率臣望

闕謝

恩詎料臣於五月初九日舟次蘇州府潁墅關外得接
家信知臣母於三月三十日去世臣於五月十一
日抵家恭呈

恩賜告母几筵隣里爭觀舉家感泣茲臣再有懇者臣
母於臣理瑤同知任內已蒙

覃恩誥封五品宜人今臣補授按察使仰求

皇上天恩俯憐臣母三十年孀守教子辛勤持家刻苦

恩准給與三品淑人封誥俾臣母得邀

錫命於泉壤臣生生世世銜結無涯矣臣於到家之日

以聞計日期報明上海縣移原籍申詳照例守制

外謹此繕摺

奏懇

天恩伏祈

皇上睿鑒謹

奏

汝母既故所待者身後之榮汝當黽勉上進至一品二品於時乞恩請封以光泉壤不亦美乎目前何必汲汲

雍正八年十二月初七日江西按察使在任守制

臣樓儼謹

奏為請定藩臬新任展限之例以便詳慎辦理事竊查定例內開凡督撫新任及署理印務如

欽部等事件難於完結准分別展限原限四箇月展限
兩箇月原限六箇月展限三箇月等因欽遵在案
誠以督撫統屬全省或兩省初到任所諸務紛紜
必得寬展限期方可從容辦理也獨藩臬兩司亦
係統屬全省並無展限之例到任之日一切錢穀
刑名非不欲逐件細心查核審擬無如計算限期
已滿不得不汲汲趕辦雖不敢有疎漏然事繁限
迫焉能保其必無錯悞臣愚以為藩臬兩司係承

上接下諸事彙集之地辦事貴於詳慎不宜專顧限期急遽完事請嗣後如藩臬兩司到任或署理時若遇案件例限尚有一二月者不准展限如到任時限期不滿一月者許於其定限之外照州縣接審官例展限一月庶得細心查辦不致局促了事似於承辦案件有益是否可行伏祈

皇上敕部議覆施行謹

奏

宜商之於該撫若意見相符具題請旨可也

雍正九年三月十二日江西按察使在任守制臣

樓儼謹

奏為請開供首唆訟之路以除刁攬事伏讀訴訟律
例特載教唆詞訟一條內開凡教唆詞訟及為人
作詞狀增減情罪誣告人者與犯人同罪至死者
減一等誠以誣告之舉原係本犯起意而教唆之
人但為之商謀作狀增減情罪所以本犯罪至於

死教唆者與因人連累之義相近得以從寬減等
惟是誣告一項本犯有刁頑愚昧之不同教唆有
增減造意之各別其本人原欲誣告又遇有教唆
者按律同罪至死減等原屬允協尚有一種鄉愚
無知之輩事本細微初意並不欲告亦不知如何
可以誣人乃有攬訟刁棍矚其有事或乘機圖騙
伊財或素與被告有隙或藉此包訟以為訛詐張
本於是嚇以利害之言騙以決勝之說憑空代作

詞狀使之控告而聽唆之人遂視彼為靠山供其
食用任其指使及至庭審之時虛誣畢露詰問主
唆之人該犯則一口咬定堅供並無其事復究其
狀係何人所作非稱過路外客即云算命先生反
復根究抵死不吐迨招案既定而訟師置身局外
又復別圖包攬此等刁惡訟棍實堪痛恨各處皆
然若不設法矯偏救弊急除唆使惡棍恐訟端無
由而息惟是唆訟之徒姦狡詭詐難致敗露臣請

原告既聽其唆使而呈控豈肯於未審之前遽行舉首
嗣後如有原告於聽審之前能將訟棍姓名檢舉

耶天

下有如是情理乎

密首或臨審之際據實供出引同拏獲審明果由

唆使情實將唆使之入照誣告律治罪其本犯比
照竊賊將同夥贓數據實供明并案內各犯指拏
全獲准其減一等發落之例亦減一等治罪如此
則被唆者求寬已罪方肯供首而訟棍狡計不能
自保或畏法斂跡釀訟生事之弊可以杜絕矣是
否有當伏祈

皇上敕部議覆施行謹

奏

殊屬迂濶不通之至

雍正九年五月二十一日江西按察使在任守制

臣樓儼謹

奏為敬陳江西雨水及禾苗情形仰祈

聖鑒事竊江西一省三面距山惟南昌及饒州南康九

江迤北一帶負江依湖地皆平原水勢易洩而難

蓄故雨不厭多今自三月初旬起至四月下旬止
天雨連綿晴日無幾處處扶犁民間並不苦雨而
江西土俗俱種早稻插秧者均得乘時栽插完畢
現在禾苗芄芄暢發大有之兆已成將來六月即
可食新臣奉職茲土目擊太和景象無任歡忭理
合恭摺奏

聞謹

奏

覽江右禾苗雨水情形朕心深慰

同日又

奏為請

敕通行一米二穀交代之例以杜弊端事恭惟我

皇上加意民生首重積貯因南方地氣濕熱將倉米每

米一石改穀二石可以久貯更立存七糶三之法

不致穀有霉變此誠萬世不易之良規天下臣民
所倚賴者也惟官經更易必須交盤在交出之員

惟以照數量斛不致缺少即可完事而接受之員
又以穀色不淨苛勒留難每致互爭延誤交代遲
延伏思貯穀之法原以代米一米二穀民間通行
若將倉穀碾試每穀一石可碾米五斗者即於米
數無虧儘可接受其不足五斗之米者自應統計
照數補足方為得平查雍正七年五月福建撫臣
劉世明於措勒交盤疏內

題明福建地方交代分別淨穀毛穀每石總以碾米

五斗為率不足照補經

欽差廣東撫臣楊文乾等議行在案但止行之閩地未經通行各省臣愚以為同屬倉穀似可畫一飭遵庶交代接受之員各無藉諉苛勒遲延之弊矣是
否可行伏祈

皇上睿鑒施行謹

奏

爾稟商該督撫將本省倉穀援照閩省之例奏請可也

同日又

奏為請定內缺委署積算之例以示鼓勵事欽惟我皇上軫念地方無時不以用人為急凡直省邊疆海疆及繁劇難治州縣定例由督撫

題請補授而又發試用人員一遇缺出即行委署其
試用人員內有分別扣限一年二年果能稱職
題請實授陞補誠不易之良法也但查試用中有
題署委署之不同而署事亦有久暫之不一如外省

丁憂事故出缺謂之外缺可由督撫

題署則各按其年限滿日具

題若屬陞遷處分等缺應聽部中選人者謂之內缺
此不過暫時乏員督撫委署新任官一到即要卸
事無缺可授故止報部而不具

題此等署員或三月或半年以其才堪辦理甫經前
署卸事旋又另委他處仍係內缺前後竟至一年
有餘者因委署之時未經

題明皆不算入定例一年二年之數竊思同為試用人員其外缺

題署者有期滿

題達之例而內缺委署者即過一年兩年而未遇外缺竟不得與於一年兩年之例未免偏枯伏見各省以簡調繁之員內有試用者皆計其前後署事月日積算具

題實授臣請嗣後暫時委署之員如果試用勤慎才

堪稱職者仰懇

皇上天恩即照此例計其先後署事月日計算如原銜
係應選知縣已滿一年或佐貳借署知縣已滿二
年均各擇其人地相宜之缺一體同外缺人員保
題陞補俱免其再署外缺另扣年限如此則不必有
內外缺之分而總以歲月之久暫該員之賢否為
衡暫署之員莫不爭相奮勉力圖報效矣是否有
當伏祈

皇上睿鑒施行謹

奏

此奏迂謬處不勝批諭總之心一存私出諸口者焉有是當之理

雍正九年八月初八日江西按察使降級留任在任守制臣樓儼謹

奏為恭謝

天恩事雍正九年六月二十八日臣准布政使李蘭移

奉撫臣謝旻牌准廣東撫臣鄂彌達咨刑部

題覆惡棍蕭鳴誘搶黃氏為妾囑賊扳窩一案本年

四月初六日奉

旨蕭鳴著即處斬樓儼著降一級從寬留任餘依議欽
此臣隨恭設香案望

闕叩頭謝

恩訖伏念臣身任臬司失於覺察部議降級調用荷蒙
聖德如天從寬留任聞

命之下感激涕零自問何人仰邀

天恩寬大至於斯極惟有勤慎察姦不避嫌怨不務虛

言之

易行之難

聲除暴安良以期上副

聖天子保民若赤之

天心勉盡臣職於萬一耳所有微臣感激私衷理合恭

摺奏

謝伏乞

皇上睿鑒謹

奏

覽

同日又

奏為再陳江省早稻收成分數晚禾現在情形并各屬米糧價值仰祈

睿鑒事竊江西一省本年自三月初旬至四月下旬雨澤霑足禾稻暢茂前經臣具摺奏

聞今江西早稻於六月下旬收割至七月中旬俱已完

畢統計收成有八分九分十分不等省城米價前
每石至一兩以外者今已減至七錢七八分上米
亦不過八錢五六分外縣俱減至每石五錢八九
分上米亦不過六錢五六分惟廣信饒州九江三
府每石九錢二三分上米九錢七八分至一兩二
三分不等其餘各府則皆七錢五六分至五錢二
三分訪之輿論必俟晚稻全獲其價始定而晚稻
形勢因五六兩月雨水調勻灌溉已足雖省城七

月內少雨亦不苦旱外府仍陸續有雨今省城又
於八月初六日得雨田禾暢茂將來收成可有十
分之望理合恭摺奏

聞謹

奏

業經督撫數次奏聞矣何必多此一番瀆陳

同日又

奏為恭謝

聖訓敬繳

硃批仰祈

睿鑒事竊臣前奏請將暫時委署之員積算月日分別

保

題陞補一摺奉

硃批此奏迂謬處不勝批諭總之心一存私出諸口者
焉有是當之理欽此仰見我

皇上聖明洞照訓示臣工必歸於至公至當之盛意臣

跪讀之下實深惶悚緣臣以庸材淺識固知大體
惟念受

恩深重報稱無由每有管窺蠡測之見輒斤斤自得上
瀆

聖聰此種私衷實類野人獻曝初不知迂謬錯悞之處
已不可勝數乃蒙

皇上不即加以議處

恩賜明切批示臣實如夢覺醉醒愧慄無地理合具摺

恭

謝並繳

硃批奏摺伏祈

聖鑒謹

奏

若不於根本處黽勉徒於枝葉邊揣摩如夢之錯悞將
不勝其覺矣愧慄何益

同日又

奏為恭請

聖裁事竊查外省秋審情實重囚向無三覆之例雍正
二年四月蒙

皇上如天好生之仁

勅下法司亦照

朝審之例三次覆奏且往往仰沐

恩綸停決若情稍可矜者則莫不予以末減至所擬緩
決人犯內或因忿激還毆殺非有心或因無知聽

從首兇已決或因卑幼犯尊長情尚可原并有竊
贓滿貫審無拒傷情事及續獲夥盜逃犯未獲監
候待質者每歲俱沐

皇恩准予緩決普天率土共沐我

皇上寬大洪仁尚有何可妄陳末議之處惟是此等緩
決人犯皆係歷次奉文監候歲復一歲每至七八
九年仍復監禁甚有已歷秋審十次之外自犯事
審招至今其錮禁囹圄者已十有餘載此雖罪犯

應死法無可逭第既久沐

皇仁歷予緩決則已得有生機若仍遞年淹禁必致久
化獄憐無以昭示

皇上矜恤民命之至意臣愚以為此等秋審已歷數次
緩決人犯如已不復論決者仰懇

皇上天恩勅部酌量情罪重輕作何減等發落庶餘生
之犯得以始終沾沐

天恩而牢獄無積年淹禁之囚矣臣之管見如斯是否


有當伏乞

皇上睿鑒施行謹

奏

殊屬聳聳之論奏也

殊批諭旨卷六十八



總校官庶吉士臣侍朝

校對官編修臣莫瞻棗

謄錄監生臣姚鍾英